

SVEIO KONTROLLUTVAL

PROTOKOLL

Tysdag **11. juni 2013** blei det halde møte i Sveio kontrollutval under leiing av utvalsleiar Håkon J. Skimmeland.

MØTESTAD:	Glasburet, kommunehuset
MØTESTART/-SLUTT:	kl.18.00 – kl. 20.00
MØTANDE MEDLEMMER:	Håkon J. Skimmeland (Ap), Kristi Henden Tveitaskog (Sp), Tor Røkenes (V) og Oddbjørg Hovland (MDG/SV)
MØTANDE VARAMEDLEMMER:	Ingen
FORFALL:	Andreas Bårtvedt (H) og varamedlem Kåre Ekrene (H)
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN VIA TELEFON:	Forvaltningsrevisor Kari Hesjedal, KPMG AS i sak 18/13
ANDRE SOM MØTTE:	Kommunalsjef Bjørn Gilje
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 15/13 GODKJENNING AV PROTOKOLL FRÅ MØTE 16.04.13

Sekretariatet si innstilling:

Protokollen frå møte i kontrollutvalet 16.04.13 blir godkjent slik han ligg føre.

Handsaming i kontrollutvalet 11.06.13:

Protokollen blei godkjent utan merknader.

Samrøystes vedtak i kontrollutvalet 11.06.13:

Protokollen frå møte i kontrollutvalet 16.04.13 blir godkjent.

SAK 16/13 REFERATSAKER 11.06.13

8. Kommunestyrevedtak 06.05.13, sak 26 – Nytt ansvar: 10010 Revisjon og kontrollutval
9. Kommunestyrevedtak 06.05.13, sak 33 – Eigarskapsmelding 2012-2013
10. Pressemelding frå KDR – «*Interkommunalt samarbeid løner seg for kommunane*»
11. Kommunerevisoren nr. 3 – «*Antikorrupsjon i kommunene – mer enn kontroll*»
12. Statusrapport pr. juni 2013
13. FKT-konferansen 05. og 06.13 på Gardermoen

Handsaming i kontrollutvalet 11.06.13:

Leiar orienterte frå kommunestyremøtet i mai og om utsetting av saker til junimøte. Han orienterte frå konferansen, som han opplevde som svært god. Sekretær blei bedt om skaffe eit eksemplar av KS si nye handbok om antikorrupsjon. Handboka er tilgjengeleg på KS sine nettsider.

Utvalet slutta seg til leiar sitt framlegg om å be om ei kort utgreiing om bruken av anbudsreglene knytte til investeringane ved Ekrene og kjøp av ny prestebustad i neste møte, då dette er aktuelle saker i media.

Samrøystes vedtak i kontrollutvalet 11.06.13:

Kontrollutvalet tar referatsakene 8 -13 til orientering.

Kontrollutvalet vil be rådmannen om ei kort utgreiing om bruken av anbudsreglene knytte til investeringane ved Ekrene og kjøp av ny prestebustad i neste møte.

SAK 17/13 TERTIALRAPPORT, REVIDERT BUDSJETT 2013 OG ØKONOMIPLAN 2014-17 M.M.

Sekretariatet si innstilling:

Sveio kontrollutval tar rådmannen sine saksframlegg om 1. tertialrapport 2013, revidert budsjett 2013, økonomiplan 2014- 2017 og ressursituasjonen i pleie- og omsorg til orientering.

Handsaming i kontrollutvalet 11.06.13:

Leiar gjekk igjennom rådmannens oppsummeringar i saksframlegget. Utvalet ønskte å følge med på vedtak som kommunestyret gjer i løpet av året med omsyn til økonomistyring.

Samrøystes vedtak i kontrollutvalet 11.06.13:

Sveio kontrollutval tar rådmannen sine saksframlegg om 1. tertialrapport 2013, revidert budsjett 2013, økonomiplan 2014- 2017 og ressursituasjonen i pleie- og omsorg til orientering.

SAK 18/13 ORIENTERING OM RESULTATEININGANE INNAN HELSE OG OMSORG

Sekretariatet si innstilling:

Sveio kontrollutval tar orienteringa om resultateiningane innan helse og omsorg til orientering.

Handsaming i kontrollutvalet 11.06.13:

Kommunalsjef Bjørn Gilje presenterte dei 5 einingane: Pleie og omsorg, Helse- og rehabiliteringsavdelinga, Butiltak for funksjonshemma, NAV m/flyktningavdelinga og Barnevernstenesta. Han orienterte om arbeidsoppgåver, talet på tilsette, årsverk, brukarar og budsjett- og rekneskapstal innan kvart rammeområde.

Han framheva flotte medarbeidar og utfordringar med å halde budsjetttrammer, spesielt knytte til lovmessige oppgåver for funksjonshemma. Han såg fram til KPMG sin rapport til hausten.

Revisor Kari Hesjedal orienterte pr. telefon om at KPMG var komme i gong med revisjonen. Oppstartsbrev var sendt og dei ville bruke juni/juli til å gjennomgå tilsendt dokumentasjon. Intervjua ville skje i august og rapport vere klar i september.

Samrøystes vedtak i kontrollutvalet 11.06.13:

Sveio kontrollutval tar orienteringa om resultateiningane innan helse og omsorg til orientering.

EVENTUELT

Neste møte

I flg. møteplan er den sett til 10. september, kor det er avtalt at kommunalsjef for oppvekst og kultur vil komme og orientere. Utvalet var samd i å utsette møtet slik at KPMG sin rapport er klarert med rådmannen. Leiar og sekretær fekk fullmakt å sette ny dato. Ny dato vert tysdag **17. september** kl. 18.00.

Opne møte

Møta i kontrollutvala må frå 01.07.13 vere opne. Det krev kunngjering av møteplan og at sakpapira vert lagt ut på nettsidene. Sekretær informerer kommunen om lovendinga.

Møterom

Utvalet bad sekretariatet skifte møterom til kommunestyresalen då ventilasjonsanlegget er berre på om kvelden måndag og onsdag.

Sveio/Aksdal, 11. juni 2013

Håkon J. Skimmeland
kontrollutvalsleiar

Toril Hallsjø
utvalssekretær